



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 40. Sequentis Sessionis materiæ in quadam Congregatione examinatæ.

[urn:nbn:de:hbz:466:1-66577](https://nbn-resolving.de/urn:nbn:de:hbz:466:1-66577)

Sæcul. XVI.
A. C. 1551.§. XL.
*Sequentis Sessionis materice in quadam
Congregatione examinatae.*

Cum proxima Sessione ad diem vigesimam quintam Novembbris fuisset indicta, omne temporis intervallum usque ad præstitutam diem in examinandis, ac instruendis materiis ibidem agitandis insumebatur: Itaque die duodecima Octobris, quæ erat altera post decimam tertiam Sessionem dies, generalis habebatur Congregatio, in qua Legatus querebatur, quod Theologi ordinem pro habendis disputationibus præscriptum minus accurate servassent, indeque nonnullæ dissensiones fuissent exortæ: postea de poenitentiæ, atque extremæ unctionis Sacramentis agendum proponebat: igitur totum hoc argumentum ad sexdecim reducebatur articulos, quorum duodecim circa primum hoc Sacramentum, quatuor vero circa alterum versabantur, iisque hi articuli diversis tradebantur Theologis, quos inter haud insimus erat Veronensis Episcopus. Eadem quoque forma servabatur circa materias disciplinam, seu morum emendationem concerten-tes, monebantur tamen Præfules, ac theologi, ut in suis sententiis brevitati studerent, nec pertinaciter suis opinio-

E 4

nibus

Secul. XVI
A.C. 1551.

nibus in publicis disputationibus insisterent. Percipiamus jam duodecim illos articulos de Pœnitentia ex Lutheri, ejusque Discipulorum libris extractos, circa quos prævie discussos postea in Sessione sententia esset pronuntianda.

§. XLI.

Articuli circa Pœnitentiam.

„I. Pœnitentia non est propriæ Sacramentum, ad reconciliationem pro relapsis post Baptismum a Christo institutum, nec recte a Patribus secunda tabula post naufragium appellatur, sed Baptismus vere est ipsum Sacramentum pœnitentiæ.

„II. Non sunt tres pœnitentiæ partes, Contritio, Confessio, & Satisfactionis, sed duæ tantum, terrores scilicet incussi conscientiis agniti peccato, & fides concepta ex Evangelio, vel absolutione, qua credit quis sibi per Christum esse remissa peccata.

„III. Contritio, quæ paratur per discussionem, collectio, & detestatio peccatorum, non præparant ad gratiam Dei, nec remittunt peccata, sed potius faciunt hominem hypocritam, & magis peccatorem, eaque contritio dolor est coactus, & non liber.

„IV. Confessio Sacramentalis secretæ juris divini non est, nec apud antiquos Patres ante Concilium Lateranen-